

**საჯარო სამართლის იურიდიული პირი -  
ბათუმის შოთა რუსთაველის სახელმწიფო უნივერსიტეტი  
ბრძანება № 01-10/17**

ქ. ბათუმი

01 თებერვალი, 2019 წელი

**ბსუ-ს ილია ჭავჭავაძის ბიბლიოთეკის ელექტრონული რესურსების განყოფილების  
წამყვანი სპეციალისტის (ბიბლიოთეკარის) შესარჩევი კონკურსის გამოცხადების  
შესახებ**

„უმაღლესი განათლების შესახებ“ საქართველოს კანონის 23-24-ე მუხლების, ბსუ-ს წესდების მე-15 მუხლის, „საქართველოს შრომის კოდექსის“, „საჯარო სამართლის იურიდიული პირის - ბათუმის შოთა რუსთაველის სახელმწიფო უნივერსიტეტის დამხმარე პერსონალის შესარჩევი კონკურსის ჩატარების წესის დამტკიცების შესახებ“ ბსუ-ს ადმინისტრაციის ხელმძღვანელის 2017 წლის 25 ოქტომბრის N01-11/77 ბრძანების, „საჯარო სამართლის იურიდიული პირის - ბათუმის შოთა რუსთაველის სახელმწიფო უნივერსიტეტის ილია ჭავჭავაძის ბიბლიოთეკის დებულების დამტკიცების თაობაზე“ ბსუ-ს წარმომადგენლობითი საბჭოს 2017 წლის 27 ივლისის N07 გადაწყვეტილების, „ბსუ-ს ადმინისტრაციული და დამხმარე პერსონალის საშტატო განრიგისა და სახელფასო ფონდის დამტკიცების შესახებ“ ბსუ-ს ადმინისტრაციის ხელმძღვანელის 2019 წლის 31 იანვრის N01-10/14 ბრძანებისა და ბსუ-ს ბიბლიოთეკის ხელმძღვანელის მ/შ, ნათია ბურჭულაძის 2019 წლის 29 იანვრის MES 0 19 00085521 სამსახურებრივი ბარათის საფუძველზე

**ვ ბ რ ძ ა ნ ე ბ:**

1. ბსუ-ს ილია ჭავჭავაძის ბიბლიოთეკის ელექტრონული რესურსების განყოფილების წამყვანი სპეციალისტის (ბიბლიოთეკარის) ერთ ვაკანტურ თანამდებობაზე პერსონალის შესარჩევად გამოცხადდეს კონკურსი და შესაბამისი ინფორმაცია (საკონკურსო თანამდებობის, თანამდებობრივი სარგოს, საკვალიფიკაციო მოთხოვნების, სამუშაოთა აღწერილობის და წარმოსადგენი დოკუმენტაციის შესახებ) **დანართი 1-ის** შესაბამისად გამოქვეყნდეს ბსუ-ს ვებგვერდზე.
2. დამტკიცდეს კონკურსანტის მიერ წარმოსადგენი განცხადების (ანკეტის) თანდართული ფორმა (**დანართი 2**) და განისაზღვროს საკონკურსო ვადები შემდეგნაირად:
  - ა) კონკურსანტების მიერ განცხადებებისა და შესაბამისი დოკუმენტაციის წარმოდგენა - **2019 წლის 5 თებერვლიდან 11 თებერვლის ჩათვლით;**
  - ბ) კონკურსის პირველი ეტაპი - საკონკურსო კომისიის მიერ საკონკურსო დოკუმენტაციის შეფასება/გადარჩევა - **2019 წლის 12 -13 თებერვალი;**
  - გ) კონკურსის მეორე ეტაპი - ტესტირება (კონკურსანტის მიერ ანკეტაში მითითებული უცხო ენისა და საკონკურსო თემატიკის ცოდნის შესაფასებლად) - **2019 წლის 14 თებერვლიდან 19 თებერვლის ჩათვლით** პერიოდში (ტესტირების ზუსტი თარიღის, ადგილის და დროის შესახებ კონკურსანტს ეცნობება ერთი დღით ადრე, ავტობიოგრაფიაში მითითებული ელექტრონული მისამართის ან/და სატელეფონო შეტყობინების საშუალებით);

დ) კონკურსის მესამე ეტაპი - კონკურსანტის გასაუბრება საკონკურსო კომისიასთან - 2019 წლის 20 თებერვლიდან 24 თებერვლის ჩათვლით (გასაუბრების ზუსტი თარიღის, ადგილის და დროის შესახებ კონკურსანტებს ეცნობებათ ერთი დღით ადრე, ავტობიოგრაფიაში მითითებული ელექტრონული მისამართის ან/და სატელეფონო შეტყობინების საშუალებით);

ე) კონკურსის შედეგების გამოცხადება ბსუ-ს ვებგვერდზე - 2019 წლის 25 თებერვალი;

ვ) კონკურსის შედეგებზე სააპელაციო საჩივრის წარდგენა - 2019 წლის 26 თებერვალი (ბსუ-ს კანცელარიის მეშვეობით, 10:00 სთ-დან 17:00 სთ-მდე პერიოდში, შესვენება 13:00-14:00 სთ-მდე);

ზ) სააპელაციო კომისიის მიერ სააპელაციო საჩივრის განხილვა - 2019 წლის 27-28 თებერვალი;

თ) კონკურსის საბოლოო შედეგების გამოცხადება ბსუ-ს ვებგვერდზე - 2019 წლის 28 თებერვალი.

3. კონკურსში გამარჯვებული პირი 2019 წლის 1 მარტიდან შესაბამის თანამდებობაზე შეიძლება დაინიშნოს 3 თვის გამოსაცდელი ვადით. ასეთ შემთხვევაში, ამ ვადის გასვლამდე 5 სამუშაო დღით ადრე შესაბამისი სტრუქტურული ერთეული ხელმძღვანელმა უნდა წარმოადგინოს გამოსაცდელი ვადით დასაქმებული პირის შეფასების აქტი (ფორმა დამტკიცდება ადმინისტრაციის ხელმძღვანელის ბრძანებით). უარყოფითი შეფასების შემთხვევაში 3 თვის გამოსაცდელი ვადით საკონკურსო თანამდებობაზე შესაძლოა გამწესდეს ის კონკურსანტი, რომელმაც კონკურსის შედეგად გამარჯვებული კონკურსანტის შემდეგ ყველაზე მაღალი შეფასება მიიღო (ასეთის არსებობის შემთხვევაში).


4. წინამდებარე ბრძანება, კონკურსის გამოცხადების შესახებ ინფორმაცია (დანართი 1), „საჯარო სამართლის იურიდიული პირის - ბათუმის შოთა რუსთაველის სახელმწიფო უნივერსიტეტის ილია ჭავჭავაძის ბიბლიოთეკის დებულების დამტკიცების თაობაზე“ ბსუ-ს წარმომადგენლობითი საბჭოს 2017 წლის 27 ივლისის N07 გადაწყვეტილება, „ბსუ-ს ბიბლიოთეკით სარგებლობის წესის დამტკიცებისა და "ბსუ-ს ადმინისტრაციის ხელმძღვანელის 2014 წლის 26 სექტემბრის N01-11/69 ბრძანების ძალადაკარგულად გამოცხადების შესახებ" ადმინისტრაციის ხელმძღვანელის 2016 წლის 25 თებერვლის 01-11/16 ბრძანება საინფორმაციო ტექნოლოგიების სამსახურის მიერ განთავსდეს ბსუ-ს ვებგვერდზე (კონკურსების და სამართლებრივი აქტების ველებში).

5. ბრძანება სახელმძღვანელოდ და აღსასრულებლად დაეგზავნოს ბსუ-ს შესაბამის სტრუქტურულ ერთეულებს.

6. ბრძანება შეიძლება გასაჩივრდეს მისი გამოცემიდან ერთი თვის ვადაში ბათუმის საქალაქო სასამართლოში (ქ. ბათუმი, სტეფანე ზუბალაშვილის №30).

7. ბრძანება ძალაშია ხელმოწერისთანავე.

ადმინისტრაციის ხელმძღვანელი



ჯემალ ანანიძე

**ბსუ-ს ილია ჭავჭავაძის ბიბლიოთეკის ელექტრონული რესურსების განყოფილების  
წამყვანი სპეციალისტის (ბიბლიოთეკარის) შესარჩევი კონკურსი**

1. საჯარო სამართლის იურიდიული პირი - ბათუმის შოთა რუსთაველის სახელმწიფო უნივერსიტეტი (ბსუ) აცხადებს კონკურსს ბსუ-ს ილია ჭავჭავაძის ბიბლიოთეკის ელექტრონული რესურსების განყოფილების წამყვანი სპეციალისტის (ბიბლიოთეკარის) თანამდებობის (1 საშტატო ერთეული) დასაკავებლად.
2. ვაკატური თანამდებობისათვის განსაზღვრული სამუშაო აღწერილობა მოცემულია ბსუ-ს წარმომადგენლობითი საბჭოს 2017 წლის 27 ივლისის N07 გადაწყვეტილებით დამტკიცებული ბიბლიოთეკის დებულების 4.7. პუნქტში).
3. საკონკურსო თანამდებობებზე სახელფასო ანაზღაურება შეადგენს თვეში 700 ლარს.
4. საკონკურსო თანამდებობების სამუშაო აღწერილობა - „საჯარო სამართლის იურიდიული პირის - ბათუმის შოთა რუსთაველის სახელმწიფო უნივერსიტეტის ილია ჭავჭავაძის ბიბლიოთეკის დებულების დამტკიცების თაობაზე“ ბსუ-ს წარმომადგენლობითი საბჭოს 2017 წლის 27 ივლისის N07 გადაწყვეტილება, „ბსუ-ს ბიბლიოთეკით სარგებლობის წესის დამტკიცებისა და "ბსუ-ს ადმინისტრაციის ხელმძღვანელის 2014 წლის 26 სექტემბრის N01-11/69 ბრძანების ძალადაკარგულად გამოცხადების შესახებ" ადმინისტრაციის ხელმძღვანელის 2016 წლის 25 თებერვლის 01-11/16 ბრძანება განთავსებულია ბსუ-ს ვებგვერდზე, კონკურსის გამოცხადების შესახებ წინამდებარე ბრძანებასთან ერთად.
5. საკონკურსო თანამდებობის დასაკავებლად განისაზღვრება შემდეგი საკვალიფიკაციო და ძირითადი მოთხოვნები:
  - ა) უმაღლესი განათლება (უპირატესობა მიენიჭება განათლების, ჰუმანიტარული, ან სოციალური მეცნიერებების მიმართულებით მიღებულ განათლებას);
  - ბ) ინგლისური ენის არანაკლებ B1 დონეზე ცოდნა;
  - გ) სამუშაო გამოცდილება არანაკლებ 1 წელი (მსგავს პოზიციაზე ან/და განათლების სისტემაში);
  - დ) კომპიუტერული (საოფისე) პროგრამების (Ms.Word, Ms.Excel, Ms.Power Point) კარგად ცოდნა;
  - ე) კომუნიკაციის, დროის მართვის, გამართული მეტყველების, ზეპირი და წერილობითი საქმიანი კომუნიკაციის წარმოების, ინფორმაციის ეფექტურად გადაცემის, გუნდში მუშაობის უნარები და ორგანიზებულობა;
  - ვ) შემდეგი საკონკურსო თემატიკის განთავსებულია ბსუ-ს ვებგვერდზე):  
„უმაღლესი განათლების შესახებ“ საქართველოს კანონი (მე-IV-VI თავები), „საბიბლიოთეკო საქმის შესახებ“ საქართველოს კანონი, ბსუ-ს წესდება, ბსუ-ს შინაგანაწესი, ბსუ-ს ეთიკის კოდექსი, ბიბლიოთეკის დებულება, ბიბლიოთეკის სარგებლობის წესი.
6. კონკურსანტებმა 2019 წლის 05 თებერვლიდან 11 თებერვლის ჩათვლით უნდა წარმოადგინონ:
  - ა) კონკურსანტის განცხადება (ანკეტა) - შევსებული ბრძანების თანდართული ფორმის შესაბამისად (დანართი 2);

ბ) პირადობის მოწმობის ასლი;

გ) შესაბამისი საფეხურის განათლების მიღების დამადასტურებელი დოკუმენტი, დამოწმებული კანონმდებლობით დადგენილი ( ნოტარიულად) წესით;

დ) სამოტივაციო წერილი (არაუმეტეს ორი გვერდისა);

ე) სამუშაო გამოცდილების ამსახველი ცნობა;

ვ) სხვა დოკუმენტაცია საკვალიფიკაციო ან/და ძირითადი მოთხოვნების დასადასტურებლად(არსებობის შემთხვევაში).

7. კონკურსსანტებმა განცხადება (ანკეტა) და მოთხოვნილი დოკუმენტაცია უნდა წარმოადგინონ ელექტრონული ფოსტის - [bsu-hr@bsu.edu.ge](mailto:bsu-hr@bsu.edu.ge) მეშვეობით, დაგვიანებით მიღებული ან არასრული საკონკურსო დოკუმენტაცია არ განიხილება და კონკურსსანტი პირველივე ეტაპზე მოიხსნება კონკურსიდან. გასაუბრებაზე დაბარების შემთხვევაში კონკურსსანტმა უნდა წარმოადგინოს დადგენილ ვადაში მის მიერ ელექტრონულად გადმოგზავნილი დოკუმენტაციის დედნები, ასევე სხვა დოკუმენტაცია - საკონკურსო კომისიის (ბსუ-ს ადმინისტრაციის) მოთხოვნის საფუძველზე.

8. **კონკურსი ჩატარდება 3 (სამ) ეტაპად:**

7.1. პირველ ეტაპზე - კონკურსსანტების მიერ წარმოდგენილი დოკუმენტაციის შეფასება/გადარჩევა - **2019 წლის 12 -13 თებერვალი;**

7.2. მეორე ეტაპზე - საკონკურსო თანამდებობისათვის დადგენილ საკვალიფიკაციო და ძირითად მოთხოვნებთან კონკურსსანტის შესაბამისობის დადგენის მიზნით ტესტირება იმ კონკურსსანტებთან, რომლებიც წარმატებით გაივლიან კონკურსის პირველ ეტაპს - **2019 წლის 14 -19 თებერვალი;**

7.3. მესამე ეტაპზე - საკონკურსო თანამდებობისათვის დადგენილ საკვალიფიკაციო და ძირითად მოთხოვნებთან კონკურსსანტის შესაბამისობის დადგენის მიზნით გასაუბრება იმ კონკურსსანტებთან, რომლებიც წარმატებით გაივლიან კონკურსის მეორე ეტაპს - **2019 წლის 20 -24 თებერვალი;**

9. **კონკურსთან დაკავშირებით ბსუ-ს ვებგვერდზე განთავსდება შემდეგი ინფორმაცია:**

ა) იმ პირთა შესახებ, რომლებიც წარმატებით გაივლიან კონკურსის პირველ, მეორე და მესამე ეტაპს;

ბ) კონკურსში გამარჯვებული კონკურსსანტების შესახებ;

გ) სხვა ინფორმაცია, საკონკურსო კომისიის/ბსუ-ს ადმინისტრაციის გადაწყვეტილების შესაბამისად.

10. კონკურსსანტები, მათ მიერ საკონკურსო განცხადებაში (ანკეტაში) მითითებულ ელექტრონულ მისამართებზე ან ტელეფონის საშუალებით ბსუ-ს ადმინისტრაციიდან მიიღებენ შემდეგი შინაარსის ინფორმაციას (შეტყობინებას):

ა) საკონკურსო დოკუმენტაციის შესახებ დამატებით ინფორმაციას;

ბ) დოკუმენტების გადარჩევის ეტაპზე კონკურსიდან მოხსნის, ტესტირებაზე ან გასაუბრებაზე დაბარების შესახებ;

გ) კონკურსის შედეგის (დადებითი ან უარყოფითი) შესახებ;

დ) კონკურსის გასაჩივრების შემთხვევაში აპელაციის შედეგის შესახებ;

ე) საკონკურსო თანამდებობაზე დანიშვნის სამართლებრივი აქტის გამოცემის შესახებ.

კონკურსანტის განცხადება (ანკეტა)

1. კონკურსანტის პირადი ინფორმაცია:

სახელი	
გვარი	
მამის სახელი	
დაბადების თარიღი	
მოქალაქეობა	
მისამართი	
ტელეფონი	
ელ.ფოსტა	

2. მიღებული განათლება:

საგანმანათლებლო დაწესებულება, საგანმანათლებლო პროგრამა	ჩარიცხვისა და დამთავრების წლები	მინიჭებული აკადემიური ხარისხი/კვალიფიკაცია

3. სამსახურებრივი გამოცდილება

თარიღი	დაწესებულების დასახელება, დაკავებული თანამდებობა და სამუშაოს მოკლე აღწერა

4. საკვალიფიკაციო მოთხოვნებთან შესაბამისი მიმართულებით კვალიფიკაციის ასამაღლებელი კურსები, ტრენინგები და საგრანტო/სახელშეკრულებო პროექტებში მონაწილეობა (არსებობის შემთხვევაში)

თარიღი	კურსის/ტრენინგის/პროექტის დასახელება	დიპლომის/სერტიფიკატის ნომერი

--	--	--

5. უცხო ენების ცოდნა, დონეების აღნიშვნით

1	
2	

6. კომპიუტერული უნარები

1	
2	
3	

7. სხვა სახის აქტივობა და ინფორმაცია (კონკურსანტის შეხედულებით)

№	აქტივობის დასახელება

8. კონკურსანტის განცხადება მის მიერ წარმოდგენილი ინფორმაციის (დოკუმენტაციის) ნამდვილობაზე და პერსონალური მონაცემების დამუშავებაზე:

ვადასტურებ წინამდებარე განცხადებაში (ანკეტაში) აღნიშნული ინფორმაციისა და ჩემ მიერ წარმოდგენილი დოკუმენტაციის სისწორეს და თანხმობას ვაცხადებ ბსუ-სთან ჩემი შრომითი ურთიერთობის პერიოდში ბსუ-ს მიერ დამუშავებული იქნეს ჩემი პერსონალური მონაცემები შრომითი ურთიერთობის ან/და ბსუ-ს საქმიანობის ფარგლებში სხვა კანონიერი საჭიროებიდან გამომდინარე.

გთხოვთ, განიხილოთ ჩემი კანდიდატურა ბსუ-ს ილია ჭავჭავაძის ბიბლიოთეკის ელექტრონული რესურსების განყოფილების წამყვანი სპეციალისტის (ბიბლიოთეკარის) თანამდებობის დასაკავებლად.

განცხადებას (ანკეტას) თან ერთვის: ( მიუთითეთ დასახელება და ფურცლების რაოდენობა)

1. სამოტივაციო წერილი - ფურც;
2. აკად. ხარისხის/კვალიფიკაციის დამადასტ. დოკუმენტი -- ფურც;
3. სამუშაო გამოცდილების დამადასტურებელი ცნობა -- ფურც;
4. პირადობის მოწმობის ასლი -- ფურც;
5. სხვა დოკუმენტაცია ---- ფურც.

.....  
ხელმოწერა,  
თარიღი